



Tužilaštvo traži još dva mjeseca pritvora

Državno tužilaštvo predložilo je Sudu BiH da Huseinu (Bilalu) Bosniću, Avdulahu Hasanoviću, Enesu Mešiću, Eminu Hodžiću i Ademu Karamuji, uhapšenima u akciji Damask, produži pritvor za dva mjeseca. Bosnić i ostali, osumnjičeni da su organizirali terorističku grupu u vezi sa krivičnim djelom javno podsticanje na terorističke aktivnosti i krivično djelo vrbovanje radi terorističkih aktivnosti, pritvoreni su već mjesec, a na današnjem ročištu obje strane u postupku će iznijeti prijedloge.

Tužilaštvo je, kako saznajemo, u proteklih 30 dana koliko traje istraga, došlo do novih svjedoka i novih osumnjičenih, a u toku je i nekoliko vještačenja. Predmet vještačenja će, između ostalog, biti i snimljeni govori i priče osumnjičenih, sve kako bi se saznalo da li je to imalo



Otkriveni novi osumnjičeni

utjecaja na odlazak bh. državljana na ratišta u Siriju. Veliki dio informacija su, saznajemo, dobili od pritvorenika, koji su istražiteljima ispričali sva saznanja o svojim, ali i odlascima drugih boraca u Siriju.

Kako je Oslobodjenje već pisalo, u akciji SIPA u kojoj je učestvovalo oko 200 policajaca, prije mjesec

su, osim pomenutih, uhapšeni Hamdo Fojnica, Muhamed Džerahović, Mirza Kapić, Ibrahim Delić, Eduard Durguti, Senad Hukić, Elvir Muratović, Sedin Huseinović, Fikret Zukić i Jasmin Jašarević, pod sumnjom da čine vrh vehabijskog pokreta koji djeluje u BiH. Zukić i Fojnica su nakon saslušanja pušte-

ni na slobodu, dok su ostalima određene mjere zabrane. Akcija Damask je uslijedila nakon što su prikupljeni dokazi da se osumnjičene osobe dovode u vezu sa finansiranjem, organiziranjem i vrbovanjem bh. državljana za odlazak i učestvovanje u oružanim sukobima u Siriji i Iraku, boreći se na strani radikalnih terorističkih grupa i organizacija na ovim područjima.

Pripadnici SIPA su u akciji pronašli i oduzeli ručne bombe, puškomitraljeze, poluautomatske puške, vazdušne i druge vrste pušaka, pištolje, okvire za municiju, municiju različitog kalibra, maskirne pancire i jurišne prsluke. Za one za koje se dokazuje da su se borili na ratištima u Siriji i Iraku i koji su to sami potvrdili bit će izrečena trogodišnja zatvorska kazna.

A. B. Č.